



Inatsisartunut ilaasortaq Aleqa Hammond, Siumut  
Inatsisartut  
/MAANI

## § 37 naapertorlugu misileraalluni paperortoorniarneq (makreli) pillugu apeqqutinut akissutit

Inatsisartut suleriaasianni § 37 naapertorlugu misileraalluni paperortoorniarneq pillugu apeqquteqarsimavutit. Apeqqutit uannut akisassanngorlugit innersuutigineqarsimapput.

### Apeqqut 1

Paperortuunik misileraalluni aalisarnermit inerniliussat qaqgu Naalakkersuisut naatsorsuutigaat?

#### Apeqqut 1-imut akissut:

Misileraalluni paperortoorniarnermit paasisat Pinngortitaleriffimmit suliarineqarput. Pinngortitaleriffik nalunaarusiaagallartunik marlunnik suliaqarsimavoq inaarutaasumillu nalunaarsiassaq suliarilersimallugu. Taanna 2013-imi qaammatini pingasuni siullerni ilimagineqarpoq, maannakkuugallartorli paasisat tamanut saqqummiunneqarnissaat ululerneqanngilaq.

### Apeqqut 2

Nunatsinni angerlarsimaffeqartut misileraalluni paperortuunik aalisarnermi salliuinneqarsinnaanerannut Naalakkersuisut qanoq politikkeqarpat?

#### Apeqqut 2-mut akissut:

Misileraalluni aalisarnerni tamani sorianut periaaserineqartarpooq ingerlatseqatigiiffiinut killiliussat iluanni sapinngisamik periarfissaqartillugu akuersissuteqartoqarnissaanik, qinnuteqartut tiguneqarneri malillugit akuersissuteqartoqarnerisigut. Periaaseq taanna misileraalluni paperortoorniarnermut aammattaaq atorneqarpoq. Taamaalilluni ingerlatseqatigiiffiit nutaat pisassiissutit amerlineqassagaluarpata ilanngullugit eqqarsaatigineqarsinnaapput.

### Apeqqut 3

Paperortuunik misileraalluni aalisartitsinssamat aalisariutit qassit atorneqarpat taakkua- lu selskabinik kikkunnit ingerlanneqarpat?

#### Apeqqut 3-mut akissut:

2012-imut ingerlatseqatigiiffiit sisamat angallatillu aqqanillit misileraalluni paperortoorniarnermut toqqaannartumik peqataapput. 2012-imut misileraalluni aalisarnermut inaarutaasumik suli inerniliinernik takkuttoqanngimmat suli nalunarpooq ingerlatseqatigiiffiit angallatillu qassit 2013-imi peqataajumaarnersut.

### Apeqqut 4

Paperortuunik misileraalluni aalisarnerup takutippagu aappaagumut suli misileraaneq ingerlanneqassasoq, assersuutigalugu Arsuk Food aalisartunit 46-init pigineqartoq ilanngullugu misileraatinneqarsinnaanerat Naalakkersuisut isummersuuteqarfegaat?

#### Apeqqut 4-mut akissut:

Misileraalluni aalisarnerup takutippagu angallatit amerlanerusut misileraalluni aalisarnermut peqataatinneqarnissaat pisariaqartinneqartoq, taava Kalaallit Nunaanni ingerlatseqatigiiffiit tamarmik qinnuteqaammik nassiussisinnaapput naligiillillu aalisarnermut

28. november 2012  
Suliap normua 2012-077045  
Dok. Nr. 1073163

Postboks 269  
3900 Nuuk  
Oqa. (+299) 34 50 00  
Allak. (+299) 34 63 55  
E-mail: apnn@nanoq.gl  
www.nanoq.gl

periarfissinneqarlutik, tassa qinnuteqaateqartut 2013-imí misileraalluni aalisarnissamut piumasaqaataasussat naammassisimassappatigit. Arsuk Food Aps taamaalilluni aam-mattaaq ilanngullugu eqqarsaatigineqarsinnaassaaq.

Inussiarnersumik inuulluaqqusillunga

Ane Hansen